

*"N'aw be ne nini n'aw dusu bee ye,
aw na ne sɔɔ."*

**Ala Be Don
Cogo Di?**

ALA BÈ DŌN COGO DI?

Ibrahima welela “Ala terike” a ka majigilenya, n’a ka kanmineli kosŏn Ala ye. O cogo kelen na, e fana bē se ka Ala dŏn, k’a ka makari, a ka hēre n’a ka duba si dŏn. Ala dŏniya, *majigilenya ni danaya sebe kŏnŏ*, o nafa ka bon kosebe jenamaya kŏnŏ. Minnu bē Ala jini n’u dusukun bēe ye, a b’a yere jira olu la.

Ni aw bē aw ka siraw *bila*, ni aw bē aw *majigi Ala ye ni aw dusu bēe ye*, a Ni bē sigi aw kan. *Foyi* tē na se k’aw fara ka bŏ Ala ka kanuya la. Aw na *danaya* kē a ka layidu la, ani aw na tugu a nŏ ni kanmineni ye. A na kē aw ka Ala ye. Aw na kē a ka nafolo ye, mŏgŏ maralenw, a ka lapini, ani a jē jŏ yŏrŏ ye. Aw na dŏn k’a ye aw kuma bŏ sŏngŏ gele de la. Ani a bē aw ka jējŏgŏnya de jini, *ka ta sisan fo abada*.

A y’a jini Ala fē, a k’i demē k’a ka kuma faamu nin seben fē. A sebena, Ala ka mŏgŏ senumaw de fē, Ala ye minnu jēmine, ani ka janto la san caman kŏnŏ. Hali ka sŏrŏ Setani y’a jini ka tijeni lase u ma.

Nin gafe in kŏnŏ kumaw bŏra Bible kŏnŏ, yŏrŏ minnu na: Tora, Zaburu, kiraw ka kuma ani Injil. Alliance Biblique au Mali, Bamako La sainte Bible en Bambara dans une nouvelle orthographe © 1996.

“Matigi an ka Ala ye Matigi kelenpe de ye. I ka Matigi i ka Ala kanu ni i dusukun bɛɛ ni i ni bɛɛ ani i barika bɛɛ ye.”

–Duterɔnɔmɛ 6:4b, 5

Matigi ye sankolow da, ale ye dugukolo dilabaa Ala ye. A ye dugukolo dila ka a sabati. A ma a da ka a lankolon bila, nka a ye a da walisa mɔgɔw ka sigi a kan. Nka sisan a ko: “Ne ye Matigi ye, Ala wɛɛ si tɛ yen.” –Esayi 45:18

“O de n’a to dugukolo kan mɔgɔw bɛɛ k’a dɔn ko Matigi ye Ala ye, ko a bɔɔɔgɔnko si tɛ.”

–1 Masakɛw 8:60

“Ne de ye Matigi ye, o ye ne tɔgɔ ye. Ne tɛna ne nɔɔɔ di dɔ wɛɛ ma, wala ka ne bonya di batofɛn wɛɛw ma.”

–Esayi 42:8

Matigi ko: “Aw ye ne seerew ye ani ne ka jɔn jɛnatɔmɔlenw, walisa aw ka ne dɔn ka da ne la, k’a faamu ko ne ye ale de ye. Ala wɛɛ si ma dila ne jɛ, a si tɛna kɛ ne kɔ. Ne yɛɛ ye Matigi de ye, Kisibaa wɛɛ si tɛ ne kɔ.” –Esayi 43:10, 11

“Dugukolo kan mɔgɔw bɛɛ, a’ye aw yɛlɛma ka na ne ma, walisa aw ka kisi, k’a masɔɔ ne ye Ala ye, dɔ wɛɛ si tɛ yen.” –Esayi 45:22

Ala ye makaritigi ni hinɛtigi ye

Nka a tɔɔɔlen kɔ, Matigi b'a ka makari ni a ka jumaya jira a la.

–Jeremi ka mapumatɔkan 3:32

Ni mɔgɔ min ye kantigi ye i ye, i bɛ kantigiya kɛ o ye. –Zaburuw 18:26a

Aw ka barika da Matigi ye katuguni a ka ɲi, katuguni a ka makari tena ban.

–1 Tilew Kibaru 16:34

Matigi ye makaritigi hinɛma ye. A tɛ dimin joona, a ka jumaya ka bon. A bɛ makari min kɛ a ɲesiranbaaw la, o ka bon, o bɛ sankolo ni dugukolo cɛ janya bɔ.

–Zaburuw 103:8, 11

Nka Matigi ka jumaya bɛ to a ɲesiranbaaw kan, tuma bɛɛ ni waati bɛɛ la, ...ka u hakili to a ka ci fɔlenw na ka u kɛ.

–Zaburuw 103:17a, 18b

Ala wɛrɛ jumɛn bɛ tilɛnbaliya kow yafa...k'a masɔɔ makari ka di a ye haali.

–Mise 7:18

Matigi ka makariba kosɔn, an ma halaki ka ban, a ma a ka hineba mabɔ an na fewu. Olu bɛ kuraya sɔgɔma o sɔgɔma. A ka kantigiya tɛ ban abada.

–Jeremi ka mapumatɔkan 3:22, 23

Matigi y'i jira an na ka kɔrɔ, a ko: "Israel, ne be i kanu ni kanuya banbali ye. O de kosɔn, ne ye ne ka jumaya to i fe." –Jeremi 31:3

"Katuguni ne ye ko minnu latige aw ye, ne be o dɔn." Matigi ko: "Ne na here ke aw ye, bɔne tena aw sɔrɔ, ne na jigi puman ni laban kojuman di aw ma." –Jeremi 29:11

Fa be hine a denw na cogo min na, Matigi be hine a jesiranbaaw fana la ten. –Zaburuw 103:13

Ala be an kanu kanuya min na, an ye o dɔn, an dara o la fana. Ala

ye kanuya de ye. An kɔni be Ala kanu, katuguni ale fɔlɔ de ye an kanu. –1 Yuhana 4:16a, 19

"Matigi, i ka Ala be i cema, i Kisi-baa barikama don. A nisɔndiyalen na sewa i kosɔn, a na a makun i kanuyaba kosɔn. A na jagali ka dɔnkili da i ko la." –Sofoni 3:17

Ala, i ka makari ka fisa fen bee ye. –Zaburuw 36:8a

Ne degun kow kera ne ka kisili ye. I ye ne kisi saya ma i ka kanuyaba kosɔn, k'a masɔrɔ i ye ne ka jurumuw bee fili i kɔfe. –Esayi 38:17

Nka mɔgɔ minnu be u ka Ala dɔn, olu na barika sɔrɔ ka kobaw ke.
 –Daniel 11:32b

“Nka mɔgɔ min be a yere bonya, o k’a yere bonya ne dɔnniya faa-muli kosɔn. Ne ye Matigi ye min be makari ni tije ni tilennenya kow ke dugukolo kan. O jɔgɔn dɔnniya kow ka di ne ye.” Matigi ko ten.
 –Jeremi 9:24

“Ko ne ye jɛnamaya ni saya bila i je kɔrɔ bi, ani duba ni danga. I ka jɛnamaya jɛnatɔmɔ, walisa i ni i bɔnsɔn jɛnama ka to. I ka Matigi i ka Ala kanu ka a kan mine ka nɔrɔ a la, k’a masɔrɔ ale de ye i ka

jɛnamaya ye, a be i si tilew caya.”
 –Duterɔnɔme 30:19b, 20a

Mɔgɔ minnu be sɔn a ka kalanw ma, ka u jini ni u dusukun beɛ ye, olu ye dubadenw ye.

–Zaburuw 119:2

K’a masɔrɔ jumaya ka di ne ye ka temen saraka kan. Mɔgɔ ka ne dɔn Ala ye, o ka di ne ye ka temen saraka jɛnitaw kan.
 –Ose 6:6

Ne ka Ala, kungo sogo be folo kɔji nɔfe cogo min na, ne dusukun be folo e nɔfe o cogo la.

–Zaburuw 42:2

Matigi ko: “Ne yere na taa i fe, ne na lafiya di i ma.” –Ekisode 33:14

“Ni aw tora Matigi fɛ, a na to aw fɛ. Ni aw y’a jini, aw n’a ye, nka ni aw murutira a ma, a na aw bila.”

–2 Tilew Kibaru 15:2b

“Mɔgɔ dusukun bɛ filibanciya kɛ ka temen fen bɛɛ kan, a tolilen bɛ kɔsɛbɛ. Jɔn bɛ se ka a cogo faamu?”

–Jeremi 17:9

Sira dɔ tilennen bɛ mɔgɔ jɛ na, nka o laban ye saya sira ye.

–Ntalenw 16:25

Mɛlɛkɛ minnu ye jurumu kɛ, Ala ma hine olu la, nka a ye u fili jahanama dingɛ dunba dibimaw

kɔnɔ, ka u sirilen mara yen kiri don kama. O bɛɛ b’a jira ko Matigi bɛ se ka Ala jɛsiranbaaw tila kɔrɔbɔli la, ka kojugukɛlaw mara kiri don jɛ tɔrɔ kama.

–2 Piere 2:4, 9

“Nka ni aw ma Matigi kan mine, ni aw jengena ka mabɔ a ka ci fɔlen la, Matigi bolo na aw kɛɛ.”

–1 Samuel 12:15a

“Min tɛ to ne la, o bɛ fili kenema i ko jiribolo, a bɛ ja. O bolo jalenw bɛ cɛ ka u fili tasuma la, u bɛ jeni.”

–Yuhana 15:6

Aw na ne jini, aw na ne ye, k'a masoƙo aw na ne jini ni aw dusukun bee ye. –Jeremi 29:13

I ka a jini kojuman i ko nafolo dogolen. Ni i ye o ke, i na Matigi jesisiran faamu, ka Ala donniya soƙo. –Ntalenw 2:4b, 5

“A ye siyaw bee da joli kelen na. A b'a fe u ka Ala jini, ni u mamali keto be se ka a soƙo, hali k'a soƙo a yoƙo man jan an si la.”

–Kewalew 17:26a, 27

“A' ye delili ke, aw na soƙoli ke. A' ye jinili ke, aw na yeli ke. A' ye da konkon, da na yele aw ye.”

–Matiyu 7:7

“Minnu be ne kanu, ne be olu kanu, minnu be ne jini, olu be ne soƙo.”

–Ntalenw 8:17

Mago min jigi dalen be Matigi kan, min b'a jini ni a dusukun bee ye, a ka jumaya ka bon olu ta fan fe. –Jeremi ka mapumatokan 3:25

“Ne koni, ni ne tun kera e ye, ne tun na ne kan labo Sebaayabestigi ma, ne tun na ne ko kalifa Ala ma.”

–Job 5:8

Ni dannaya te, mege si ko te se ka diya Ala ye, katuguni min be gere Ala la, wajibi don o ka da a la ko Ala be yen, ko a ye a jinibaaw sarabaa de ye. –Heburuw 11:6

“K’a masɔɔ makari be Matigi aw ka Ala fe. A ka makari hinema don. Ni aw kɔseginna ale ma, a tena a kɔ sin aw ma tun.”

–2 Tilew Kibaru 30:9b

K’a masɔɔ Matigi, e ka ɲi, i be sɔn ka yafali ke. I ka makari ka bon i tɔɔ welebaaw bee la.

–Zaburuw 86:5

A’ ye gere Ala la, ale fana na gere aw la.

–Yakuba 4:8a

Ayiwa Matigi ko: “Aw ka na, an ka ɲɔɔn faamu. Hali ni aw ka jurumuw bilenna kosebe, u na jeya i ko neje. Hali ni u bilenna fo ka

fin, u na jeya i ko sagasi jeman.”

–Esayi 1:18

“A’ ye na ne ma, aw minnu bee segenen be, ni aw doninen be, ne na lafiya di aw ma. A’ ye ne ka tɔnna jiri da aw kan na, ka ne cogo ta, k’a masɔɔ ne sabalilen be, ne dusu majiginnen be, aw dusuw na lafiya sɔɔ.”

–Matiyu 11:28, 29

“Min mana na ne ma, ne tena o tigi gen ka bɔ kenema fewu.”

–Yuhana 6:37b

Matigi ka surun a tɔɔ welebaaw bee la, olu minnu bee be a tɔɔ wele sebe la.

–Zaburuw145:18

“E Matigi, i bɔɔɔgɔnko jumen be batofenw cema? Jɔn ye i bɔɔɔgɔnko ye? I masirilen be ni senuya ye.”
–Ekisode 15:11a

“Matigi bɔɔɔgɔnko si tɛ senuya la, Ala were si tɛ i kelen kɔ.”
–1 Samuel 2:2a

“Kɛlɛbolow Matigi ye Senuma, Senuma, Senuma de ye. Dugukolo yɔrɔw bɛɛ fara a nɔɔrɔ la.”
–Esayi 6:3b

Kɔrɔtalenba min sigilen be badaa masasigilan kan, ni a tɔgɔ ka senu, ale ko: “Ne sigilen be san fɛ, yɔrɔ senuma kɔnɔ.”
–Esayi 57:15a

Ala ni kojugukelaw cɛ ka jan, Sebaayabɛɛtigi ni tilenbaliya cɛ ka jan.
–Job 34:10b

“ɲuman si tɛ, Ala kelen kɔ.”
–Marka 10:18b

“Matigi, jɔni tena siran i ɲɛ ka i tɔgɔ bonya? K’a masɔrɔ i kelenpe ka senu.”
–Jirali 15:4a

An ka a tɔgɔba tanu, siranfenba don. Ala ka senu. –Zaburuw 99:3

Matigi, an ka Ala ka tanu....
ɔwɔ, Matigi, an ka Ala ka senu.
–Zaburuw 99:9

“Senuma, senuma, senuma, Matigi Ala, Sebaayabɛɛtigi, min tun be, ni a be, ani a be na.” –Jirali 4:8b

I dara a la ko Ala ye kelenpe de ye, o ka ji. Jinew fana dara o la, u be yereyere. E mogo fu, i b'a fe ka don ko dannaya ye fu ye ni kewalew te wa? Aw ka ke Ala ka kuma kebaaw ye, aw kana ke a menbaaw ye doron, ka aw yerew lafile.

–Yakuba 2:19, 20; 1:22

Mogo jugu ka sira ko man di Matigi ye, nka mogo min be tilen-
nenya sira taama, a be o tigi kanu.

–Ntalenw 15:9

Min b'a fo ko a be ale don, k'a soro a te a ka ci folenw mara, o ye nkalontigela ye, tije t'a konso. Ala denw ni Sitane denw be don ka bo

jogon na nin de la: Min te to ka tilennanya kow ke, o ma bo Ala la, ani min te a balima kanu fana.

–1 Yuhana 2:4; 3:10

Aw ka here jini aw ni mogow bee ce, ka tugu senumaya nefe, k'a masoro mogo si tena Matigi ye ni saniyali te.

–Heburuw 12:14

Nka aw ka ke senumaw ye aw taama cogo bee la i ko aw welebaa Ala ka senu cogo min na.

–1 Piere 1:15

Aw ka ko puman jini ka ko jugu dabila walisa aw jenama ka to, walisa Matigi, Kelebolowtigi Ala ka ke aw fe sebe la.

–Amos 5:14a

Matigi be min jini i fe, o file nin ye, ko i ka tilennanya ni jumaya kow ke, ani ka yeremajiginlenya sira taama i ka Ala fe. –Mise 6:8b

“Aw ka ke mɔgɔ senumaw ye, k’a masɔrɔ ne, Matigi aw ka Ala, ne ka senu.” –Levitike 19:2

“ ‘I ka i Matigi Ala kanu ni i dusukun beɛ ye, ni i ni beɛ, ni i barika beɛ, ni i hakili beɛ ye,’ ani: ‘I ka i mɔgɔ jɔgɔn kanu i ko i yere.’ ” –Luka 10:27b

“I be ci fɔlenw dɔn ko: ‘I kana mɔgɔ faga. I kana jatɔya ke. I kana sonyali ke. I kana nkalon da i mɔgɔ jɔgɔn na. I kana mɔgɔ si

tɔjɔ. I ka i fa ni i ba bonya.’ ”

–Marka 10:19

“A’ ye da Ala la.”

–Marka 11:22b

Aw kana aw ka ko ketaw keje ni nin dije ka ko ketaw ye tun, nka aw cogo ka yeɛma aw hakili kurayali fe. –Romɛkaw 12:2a

“Nin sariya kitabu kuma ka to i da la. I ka miiri a la su fara tile kan, walisa i ka a ko sebennenw beɛ ke ni kantigiya ye. Ni o kera, i ka ko ketaw na je, i na jiidi.”

–Josue 1:8

“Aw ka baara ke Matigi aw ka Ala ye.” –Ekisode 23:25a

Fen wɔɔrɔ be yen minnu ko man di Matigi ye fewu, fen wolonwula yere don, minnu haramulen be a fe, ne min te malo, nenkun nkalontigela, mɔgɔ min be mɔgɔ jalakibali faga, dusukun min be dabali juguw laben, sen min be boli ko jugu nɔfe, seere jugu min be nkalon tige, ani mɔgɔ min be a balimaw bila jɔgɔn na.

–Ntsalenw 6:16-19

O de kosɔn aw ka aw yerew kolɔsi walisa aw si kana a denmisen muso janfa. K'a masɔrɔ Matigi, Israel ka Ala ko: “Furu sa haramulen be ne fe.”

–Malaki 2:15b, 16a

“K'a masɔrɔ ne, Matigi, tije kow ka di ne ye haali. Ne be binkanni ni tilenbaliya kow haramu.”

–Esayi 61:8a

“Nka siranbaatɔw ni dannabaliw ni haramulenw ni mɔgɔfagalaw ni jatɔw ni subaaw ni bolibatobaaw ani nkalontigelaw beɛ, olu niyɔrɔ na ke o dinge belebeleba tasuma-ma kiribima kɔnɔ. O ye saya filanan de ye.”

–Jirali 21:8

“Aw kana ko jugu miiri jɔgɔn kama, aw kana aw kali nkalon kan, k'a masɔrɔ ne be o fenw beɛ koniya.” Matigi ko ten.

–Zakari 8:17

“Nka ne bɛ aw dɔn, ne y’a dɔn ko Ala kanuya tɛ aw kɔnɔ.”

–Yuhana 5:42

O de kosɔn min bɛ ko juman kɛcogo dɔn, n’a t’a kɛ, o ye jurumu ye o tigi ye.

–Yakuba 4:17

I ko a sɛbennen bɛ cogo min na ko: “Mɔgɔ tilennen si tɛ, hali kelenpe.”

–Romɛkaw 3:10

O tuma la ne ko: “Ne ta tijɛna. Ne halakira. K’a masɔɔ ne ye mɔgɔ dawolo nɔgɔlen de ye. Ne sigilen bɛ mɔgɔ dawolo nɔgɔlenw cɛma, nka ne ye Masakɛ, Kɛɛbolow Matigi ye ne jɛw la.”

–Esayi 6:5

Faranfasi si tɛ, mɔgɔw bɛɛ ye jurumu kɛ, u bɛɛ dɛsɛra Ala nɔɔɔ la.

–Romɛkaw 3:23

Min tɛ to ka tilennenya kow kɛ, o ma bɔ Ala la, ani min tɛ a balima kanu fana.

–1 Yuhana 3:10b

An bɛɛ filila i ko saga tununnenw, an bɛɛ kelen-kelen tun bɛ taa an yɛrɛw kun fɛ.

–Esayi 53:6a

“Jɔn bɛ se ka jɔ Matigi Ala senu-ma jɛ kɔɔ?...”

–1 Samuel 6:20b

Mɔgɔ o mɔgɔ mana sariya kow bɛɛ kɛ, nka ni a ye sariya ci fɔlen kelen tijɛ, a jalakira a bɛɛ la.

–Yakuba 2:10

Ne ye u seere ye ko u dusu bɛɛ bɛ Ala ko la, nka u ma a cogo dɔn. U ma Ala ka tilennɛnya faamu. U tun b'a fɛ ka u yɛrɛw kɛ tilennɛnw ye, u ma kolo Ala ka tilennɛnya ye.

–Romɛkaw 10:2, 3

An bɛɛ tun ye nɔgɔlɛnw ye, an ka tilennɛnya kow kɛra i ko fini nɔgɔlɛnw.

–Esayi 64:5a

“Hali ni ne tun y'a fɔ mɔgɔ tilennɛn ye ko a na jɛnamaya, ni o tigi ye i jigi da a ka tilennɛnya kan ka tilɛnbaliya sira taama, a ka tilennɛnya tɛmɛnnɛn kɔrɔw tɛna jate, nka a na sa a ka tilɛnbaliya kɛlɛnw kosɔn.”

–Ezekiel 33:13

O de kosɔn, minnu bɛ farisogo diyapɛ siraw taama, olu ko tɛ se ka diya Ala ye.

–Romɛkaw 8:8

O tɛ ko an bɛ miiri ko an bɛ se ka o baara kɛ an yɛrɛw barika la, nka an ka se bɛ bɔ Ala de la.

–2 Kɔrɛntekaw 3:5

O de kosɔn Hadamaden si tɛna jo sɔrɔ Ala jɛ kɔrɔ sariya ka kɛwalew barika la.

–Romɛkaw 3:20a

Ayiwa a jɛlɛn don ko mɔgɔ si tɛ jo sɔrɔ Ala jɛ kɔrɔ sariya barika la, katuguni a sebennɛn bɛ ko: “Mɔgɔ tilennɛn na jɛnamaya dannaya de barika la.”

–Galasikaw 3:11

Nege dun mana kɔnɔ ta, a be jurumu bange. Ni jurumu kɔgɔra, a be saya bange. –Yakuba 1:15

“Mɔgɔ min be jurumu ke, o de na sa.” –Ezekiel 18:20a

Nka aw ka tilenbaliya kow kera kogo ye aw ni aw ka Ala ce. A ye a jɛda dogo aw la aw ka jurumu kosɔn walisa a kana aw lamɛn.

–Esayi 59:2

Tilennenya be mɔgɔ jɛnamaya, nka mɔgɔ min be tugu ko jugu nɔfe, o be taa saya la.

–Ntalɛnw 11:19

“Ala be aw jininka ko mun y’a to

aw ye Matigi ka ci fɔlɛnw tiɛ ka ko jugu lase aw yɛrɛw ma? Aw ye Matigi bila, o de kosɔn ale fana na aw bila.” –2 Tilew Kibaru 24:20b

Jurumu donna diɛ la mɔgɔ kɛlɛn barika la, saya fana donna jurumu barika la. Saya sera Hadamadenw bɛɛ ma ten, k’a masɔrɔ u bɛɛ ye jurumu ke.

–Romekaw 5:12

“Murutili ni fileli ke jurumu, olu bɛɛ ka kan, tulo geleya ni boli bati ni terafim, olu bɛɛ ka kan. K’a sɔrɔ i banna Matigi ka kuma fɔlɛn ma, Matigi fana na ban i la.”

–1 Samuel 15:23a

Ala ye kiritigela tilennen de ye, a be dimin don o don.

–Zaburuw 7:12

Matigi te dimin jooa, a ka sebaaya ka bon, nka a tena jalakitigi sarabali to.

–Nahum 1:3a

U dusuw falen be tilenbaliya sifa beɛ ni kɔnɔna juguya ni wasabaliya ni jengoya la. U falen be keleya ni mɔgɔ fagali ni keɛ ni nanbara ni sɔnkolonya ani naafigiya la. Tɔgɔ tijeɓaaw, Ala juguw don. U te malo, kuncɛbaaw ni yerebonyabaaw don. Ko jugu kura dabɔbaaw, bangebaa kan bilabaaw, hakilintanw, kanntanw,

mɔgɔ gelenw, hinentanw don. Hali ni u be Ala ka kiri ko dɔn k'a jeya, ko o kow kebaaw ka kan ni saya ye, u te dan o kow keli ma, nka o kow kebaaw fana ko ka di u ye.

–Romɛkaw 1:29-32

Ala ka diminya y'i jira ka bɔ sankolo la mɔgɔw ka Ala jɛsiranbaliya ni u ka tilenbaliya kow beɛ kama, olu minnu be tije bali ni u ka tilenbaliya kow ye.

–Romɛkaw 1:18

O kow de b'a to Ala ka diminya be na kanbilalidenw kan.

–Kolosekaw 3:6

Ka don Ala jɛnama bolo, o ye siran koba de ye! –Heburuw 10:31

“Ne b'a fɔ aw ye ko mɔgɔw ye kuma lankolon fɛn o fɛn fɔ, u na jininka olu la kiritige don na.”

–Matiyu 12:36

A latigera ko mɔgɔw ka sa sije kelenpe. O kɔ, kiri na tige.

–Heburuw 9:27

Ne ye suw bɛɛ ye, kunbabaw ni dɔgɔmanninw, u jɔlen bɛ masasigilan je kɔrɔ. Kitabuwerɛ dayɛlɛla, kitabuwerɛ dayɛlɛla, o ye jɛnamaya kitabu ye. Kiri tigera suw kan ka keje ni u ka kewalew ye, olu min-

nu sebenna o kitabuwerɛ kɔnɔ. Mɔgɔ o mɔgɔ tɔgɔ sebennen ma sɔrɔ jɛnamaya kitabu la, o kerunna dinge belebeleba tasumama kɔnɔ.

–Jirali 20:12, 15

“A na ke ten dije laban tuma la. Melekew bɛna mɔgɔ juguw fara ka bɔ mɔgɔ tilennenw la, ka mɔgɔ juguw fili gantugu tasuma la. U na kasi ka u jinw jimi yen.”

–Matiyu 13:49, 50

Ala na jininkali ke kewalew bɛɛ ko la, hali ko dogolenw, ko juman fara ko jugu kan.

–Waajulikɛla 12:16

Matigi jɛ bɛ yɔrɔ bɛɛ ka mɔgɔ juguw ni mɔgɔ jumanw kɔlɔsi.

–Ntalenw 15:3

Dɔnkili dalaw kuntigi ka dɔnkili. Dawuda ka Zaburu. Matigi, i ye ne sɛgɛsɛgɛ ka ne dɔn. I bɛ ne sigili ni ne wulili dɔn, i bɛ i to yɔrɔ jan ka ne ka miiriliw dɔn. I bɛ ne taamato ni ne dato kɔlɔsi, i bɛ ne ka kɛwalew bɛɛ dɔn. Matigi, hali sani kuma ka bɔ ne da la, i bɛ o bɛɛ dɔn ka ban. –Zaburuw 139:1-4

“Mɔgɔ ka jateli ni Matigi ta tɛ kelen ye. Mɔgɔ bɛ kɔkanna file, nka Matigi bɛ dusukun de file.”

–1 Samuel 16:7b

Min ye tulo di mɔgɔ ma, o tena menni kɛ wa? Min ye jɛ dila, o tɛ yeli kɛ wa? –Zaburuw 94:9

“Ne jɛ bɛ u ka kɛwalew bɛɛ la, u si ma dogo ne la. U ka tilenbaliya tɛ se ka dogo ne la fana.”

–Jeremi 16:17

Dafen si dogolen tɛ Ala ma. An ka kan ka an ka kɔjɛw fɔ min ye, fen bɛɛ lankolon don, u dayɛlɛlen bɛ o jɛ kɔrɔ. –Heburuw 4:13

“Dibi wala saya suma tɛ yen ka kɛ tilenbaliya kɛbaaw dogo yɔrɔ ye.” –Job 34:22

Matigi Ala ko: “Yala mɔgɔ jugu saya ko ka di ne ye wa? Ni a yeɓemana ka a ka sira juguw bila ka jɛnamaya, o de ka di ne ye koseɓe.”
–Ezekiel 18:23

“Ne b'a fɔ aw ye ko ayi dɛrɛ, nka ni aw ma nimisa aw ka jurumuw la, aw bɛɛ na halaki ten.”

–Luka 13:3

Mɔgɔ min bɛ a ka hakɛw dogo, o ka ketaw tɛ jɛ, nka min bɛ i jɔ u la ka u dabila, makari na kɛ o la.

–Ntalenw 28:13

Matigi y'a fɔ ko kura ko: “A' ye kɔsegin ne ma ni aw dusukun bɛɛ ye, ka sun don ka kasi ka jɛnasisi.

Aw ka aw dusukun farafara, aw kana aw ka finiɓ farafara.” Aw ka kɔsegin Matigi, aw ka Ala ma, sabu a ka makari ka bon, a bɛ hinɛ. A tɛ dimin jooɓa, a ka juma-ya ka bon.
–Joel 2:12, 13a

I ka Matigi deli ka kɔsegin a ma, k'a fɔ ko: “I ka an ka tilɛnbaliyaw bɛɛ yafa an ma, i ka sɔn an ma.”

–Ose 14:2a

A bɛ dɔnkili da mɔgɔw jɛ na ko: “Ne ye jurumu kɛ ka tilɛnɛnya bila, ne ma sara o la. Ala ye ne kunmabɔ walisa ne kana don kaburu kɔnɔ. Ne ni na jɛnamaya kɛɛyeelen na tun.” –Job 33:27, 28

“O de y’a to a’ ye nimisa aw ka jurumu w la ka segin Ala ma walisa aw ka jurumu w ka jɔsi ka bɔ yen.”
–Kewalew 3:19

“...A dɔrɔ u bɛɛ kelen-kelen na u ka sira juguw bila. O tuma la ne na...u ka jurumu w yafa u ma.”
–Jeremi 36:3b

Ne ye ne ka jurumu fɔ i ye, ne ma ne ka tilenbaliya dogo i la. Ne ko: “Ne na ne jɔ ne ka sariya tipeni kow la Matigi je kɔrɔ.” I ye ne ka jurumu yafa ne ma.
–Zaburuw 32:5

Aw ka Matigi jini a sɔrɔ tuma la, aw k’a tɔgɔ wele k’a to aw kɔrɔ.

Mɔgɔ jugu ka a ka sira jugu bila, mɔgɔ tilenbali ka a ka miirili juguw bila. A ka kɔsegin Matigi, an ka Ala ma, o na makari a la, k’a masɔrɔ ale be yafali ke ka caya.
–Esayi 55:6, 7

Ni an b’an jɔ an ka jurumu w la, ale ye kantigi ye, a tilennen be ka an ka jurumu w yafa an ma, ani k’an saniya tilenbaliya bɛɛ ma.
–1 Yuhana 1:9

Matigi ka surun mɔgɔ dusu kasilenw na, a be mɔgɔ dusu nimisi-baatɔ kisi.
–Zaburuw 34:19

I k’i jɔ i ka jurumu na ka yafali jini Ala fe ye nimisili ye.

Wajibi don saraka ka bɔ, walasa k'an ni Ala cɛ jɛnɔgɔnya labɛn

(I ka nin ni gafe jɛ 14 sanga.)

“A ka a bolo da saraka fɛn jenita kunkolo kan, a ka saraka na mine ka a ka jurumu ta ka bɔ a kan. K'a masɔrɔ dafen bɛɛ jɛnamaya bɛ a joli la. Ne ye yamaruya di aw ma aw ka jurumu kafari ni joli ye sarakabɔlan kan, sabu ni bɛ joli la, o de kosɔn a bɛ jurumu kafari.”

–Levitike 1:4; 17:11

Isaka ko: “Tasuma ni dɔgɔ file, nka saraka jenita sagaden bɛ min?” Ibrahimia y'a jaabi ko: “Ne denke, Ala na saraka jenita sagaden bɔ a yɛɛ ye.” Ibrahimia y'a jɛ

kɔrɔta, sagajigi dɔ file a kɔfɛ, o biɛkolo ferekelen tun bɛ jirini dɔ la. Ibrahimia taara o sagajigi mine k'a kɛ saraka jenita ye a denke nɔ na.

–Jenɛse 22:7b-8a, 13

“Aw ka san kelen sagajigi fiɛntan...mine. Aw na kɛ so minnu kɔnɔ, o joli na kɛ aw ka taamashyɛn ye o daw la. Ne na o joli ye, ne na tɛmen aw kan.” ...fiɛɛbana si tena aw sɔrɔ ka aw halaki. –Ekisode 12:5a, 13

Ka kɛjɛ ni sariya ye, fɛn bɛɛ bɛ saniya ni joli ye, fɔ fɛn kelen-kelen. Ni joli ma bɔn, jurumu yafa tɛ sɔrɔ.

–Heburuw 9:22

Yesu ye Ala ka sagaden ye min penatɔmɔna Ala fɛ 21

O dugusaje, Yuhana ye Yesu nato ye a ma, a ko: “Ala ka Sagaden min be diɛ ka jurumu ta k’a bɔ yen, o file.” –Yuhana 1:29

Nka Matigi ye an beɛ ka tilen-baliya doni da ale kan. U y’a mine ko juguya k’a tɔɔɔ, nka a ma a da yeɛ. A kera i ko sagaden min be taa faga yɔɔ la, i ko saga min te kasi a si kanbaaw bolo, a ma a da yeɛ. –Esayi 53:6b, 7

A ma don yɔɔ senuma senuma kɔɔ bakɔɔw ni misidenw joli barika la, nka a donna a yere joli barika la..., k’a masɔɔ a ye badaa kunmabɔli sɔɔ. O cogo la Krisita fana kera saraka ye siɛ kelenpe, wa-

lisa a ka mɔɔ caman ka jurumu w doni ta. –Heburuw 9:12, 28a

K’a masɔɔ aw b’a don ko aw ma kunmabɔ ni fen tolitaw ye, i ko wari ni sanu,... nka aw kunmabɔra ni Krisita joli ye, o ka fisa fen beɛ ye. Ale kera i ko sagaden, nɔ si t’a la, nɔɔ yɔɔ t’a la.

–1 Piere 1:18a, 19

Nka Krisita joli be saniyali ke ka temen o kan kosebe! A y’a yere di Ala ma saraka fiɛntan ye, badaa Ni barika la. Ale joli na an dusukunw saniya kewale salenw ma, walis an ka baara ke Ala penama ye.

–Heburuw 9:14

Jo be di u ma gansan Ala ka neema barika la, Krisita Yesu ka kunmaboli fe. Ala ye Yesu Krisita jira ko a joli bonna ka ke magow ka jurumu yafa saraka ye, olu minnu dara a la. —Romekaw 3:24, 25a

Nka Ala ye an kanu cogo min na, a ye o jira nin de fe, ka an jurumutɔ to, Krisita sara an ye. Janko jo dilen ko an ma Yesu joli barika la, an na kisi Ala ka diminya ma ale barika la. —Romekaw 5:8, 9

“O bee n’a ta, an y’a don ko mago si te jo soro Ala je koro sariya kewalew barika la, fo Krisita Yesu dannaya barika la. O de koson an

fana dara Krisita Yesu la.”

—Galasikaw 2:16a

Aw kisilen be neema de barika la dannaya fe, o ma bo aw yerew la de, Ala ka nilifen don. O te kewalew no ye, walisa mago si kana a yere bonya. —Efesekaw 2:8, 9

“Kiraw bee be seereya ke Yesu ko la, ko mago o mago dara ale la, o na jurumuw yafa soro a togo barika la.” —Kewalew 10:43

“Kisili te soro do were si la Yesu ko, katuguni an ka kan ka kisi togo min fe, o do were ma di magow ma sankolo jukoro ale togo ko.” —Kewalew 4:12

O kalo wɔɔrɔnan la, meleke Gabriel cira Ala fe ka taa Galile dugu da la, o tɔgo ko Nazareti, ka se npogotigi da yɔrɔ, o maminelen tun be ce da fe min tɔgo ko Yusufu, Dawuda bɔnsɔn da don. Npogotigi tɔgo ko Mariyama.... Meleke y'a fa a ye ko: "I kana siran, Mariyama, katuguni i ye neema sɔrɔ Ala fe. A file, i na kɔnɔ ta ka denke bange, i na o tɔgo da Yesu. A na ke mɔgɔba ye, a na wele Ala Kɔrɔtalenba Denke.... A ka masaya tena ban." Mariyama y'a fa meleke ye ko: "O na ke cogo di, k'a masɔrɔ ne ma ce si don fɔlɔ?"

Meleke y'a jaabi ko: "Ni Senu be na i kan, Ala Kɔrɔtalenba ka sebaaya na biri i kun na. O de kosɔn i bena den senuma min bange, o na wele Ala Denke.... Katuguni foyi te Ala keje." Mariyama ko: "Matigi ka jɔnmuso file ne ye. Ala m'a kera ne ye i ko i y'a fa cogo min na." O ko, meleke taara ka ba a kɔrɔ.

-Luka 1:26-38

Ce kelenw min nana dije na ni a ma temen cenimusoya fe, o ye Adama ni Yesu de ye. Adama ye jurumu ladon dije kɔnɔ, nka Yesu ye se sɔrɔ jurumu kan.

Krisita Yesu, ... Ale tun be Ala cogo la, a yere ni Ala ka kan, a ma o jate basili fen ye, ... Asarolen mogo bisigi la, a ye a yere majigin ka ke kan minebaa ye, fo ka se saya ma, gengenjiri la saya yere.

–Filipekaw 2:5b-8

“Ne ni ne Fa ye kelen de ye. O tuma la Ala ye min bila a yere ye k’a saniya ka a ci ka na dije la, ni o ye ne ye, aw dun b’a fo ne ma cogo di ko ne be Ala togo tipe, k’a masoro ne y’a fo ko ne ye Ala Denke ye?”

–Yuhana 10:30, 36

Yesu Kirisita, kera badaa kabako kuma ye min tun be yen. Ala y’a jenamaya Mariyama kono, a kera farisogo ye ka

bangi. A donna mogo togo min fe, o ye mogo denke ye. Ni na, a donna ni togo min ye, o ye Ala Denke de ye. Ala Ka Kuma senumna kono, a sebennen be ko “Denke” walasa jenogonya min be Ala n’a ka kuma ni Yesu Kirisita ce, ko jira.

O de koson Krisita nalen dije la, a y’a fo Ala ye ko: “... nka i ye farikolo do dila ne ye.”

–Heburuw 10:5

A kununni ka bo suw cema, o y’a jira ko Ala Denke don ka keje ni senuya Ni ye, ko sebaayaba b’a fe, Yesu Krisita an Matigi.

–Romekaw 1:4

Toma y’a jaabi ko: “Ne Matigi ni ne ka Ala!”

–Yuhana 20:28

Ala nesiran gundo ka bon kosebe, sɔsɔli te o la. Ala farikoloma y'i jira. -1 Timote 3:16a

Alaya ka dafalenya farisogoma sigilen be ale la. -Kolosekaw 2:9

K'a masɔɔ den bangeran an ye. Denke dira an ma. Kuntigiya na da a kaman na. A tɔgɔ na da ko: "Kabako, Jle Jirabaa, Sebaayatigi Ala, Badaa Fa, Here Kuntigi." -Esayi 9:5

Jenamaya tun be ale de la, o jenamaya tun ye mɔgɔw ka kene ye. O kene tun ye kene sebe ye, a nana dije la, a be yeelen bo

mɔgɔw bee ye. O Kuma tun be dije la. Dije dara a fe, nka dije ma ale don. -Yuhana 1:4, 9-10

Yesu ye u jaabi ko: "...Sani Ibrahim ka bange, o y'a sɔɔ ne be yen." -Yuhana 8:58

Katuguni Ala ye kelenpe de ye, Ala ni mɔgɔw ce sorona donna, o fana ye kelenpe ye, o ye mɔgɔ Krisita Yesu de ye. Ale ye a yere di ka ke mɔgɔw bee kunmabo sara ye. -1 Timote 2:5, 6a

An ye kunmaboli sɔɔ ale de la, jurumuw yafa kɔni. Krisita ye Ala yebali ja ye. -Kolosekaw 1:14, 15a

Atuguni kiraya kuma si ma na mɔgɔ sago la abada, nka Ala ye a ka kuma min di mɔgɔw ma, u kumana ka o fɔ Ni Senu de barika la.

–2 Piere 1:21

A tun ye o ko fɔ kabini tuma jan a ka kira senumaw da la,...i na a ka mɔgɔw ladɔnniya ko a na u ka jurumuw yafa ka u kisi.

–Luka 1:70, 77

Kitabu kuma bɛɛ kɛra a sebenni-kelaw kɔnɔ Ala dafije fɛ. Nafa b’a la kalanni ni kɔrɔfɔli ni latilenni kama, ani kololi, tilennenya ko la.

–2 Timote 3:16

“Matigi Ni kumana ne da la, a ka kuma bɛ ne nenkun na.”

–2 Samuel 23:2

“Ne bɛ kuma minnu fɔ i ye bi, olu ka to i dusukun na.”

–Duterɔnɔmɛ 6:6

“Aw filila, k’a masɔrɔ aw ma Kitabu kuma faamu, aw ma Ala ka sebaaya fana dɔn.”

–Matiyu 22:29b

Ka i tɔgɔ tanu i ka jumaya ni i ka kantigiya kosɔn, k’a masɔrɔ i ye i ka layidu dafa ni sebeya ye, i tɔgɔba kosɔn. –Zaburuw 138:2b

Finì b'a kan na, o sulen bɛ joli la.
O tigi tɔgɔ ko "Ala ka Kuma".

–Jirali 19:13

Fɔlɔfɔlɔ, sani diɲɛ ka da, min bɛ
wele Kuma, o tun bɛ yen. O Kuma
tun bɛ Ala da fɛ, o Kuma tun ye
Ala de ye. O Kuma kɛra mɔgɔ ye
ka sigi an cɛma. –Yuhana 1:1, 14a

Yesu bɛ Ala jira

Ala, o min y'a fɔ ko kɛnɛ ka bɔ
dibi la, ale de ye kɛnɛ bɔ an
dusukunw na, walisa Ala nɔɔrɔ
min bɛ ye Krisita ɲɛda la, o
ɔnniya ka di an ma ka kɛnɛ bɔ an
ye. –2 Kɔrentekaw 4:6

Mɔgɔ si ma Ala ye abada. Denke
kelenpe min bɛ a Fa Ala la, ni Ala
yɛrɛ don, o de y'a cogo jira.

–Yuhana 1:18

Ala bɛ kuma Yesu la

“Min tɛ ne kanu, o tɛ ne ka kuma
mara. Aw bɛ kuma min mɛn ne da
la, o ma bɔ ne la. Ne Fa min ye ne
ci, a bɔra o de la.” –Yuhana 14:24

Ala kumana an benbaw fɛ ka
kɔrɔ tuma caman na ani cogo ca-
man na kiraw da la, nka a kuma-
na an fɛ nin laban donw na a Den-
kɛ da la. Ala ye o sigi ka kɛ fen bɛɛ
ciyɛntala ye. A ye diɲɛw da fana o
barika la. –Heburuw 1:1, 2

Ala ka kuma sebennan, ani Ala ka kuma jɛnama sangali jɔgɔn ma

Ala ka kuma ye Ni ka balo ye

Ne ye a dala ciw bɛɛ ke ka tɛmɛn ne yere sago kan. —Job 23:12b

“Dumunifen dama tɛ mɔgɔ balo, nka kuma minnu bɛɛ bɛ bɔ Ala da la, a bɛ balo olu de la.”

—Matiyu 4:4b

Ala ka kuma bɛ yelen bɔ an ka sira kan

I ka kuma ye fitine ye ne sen ye, a bɛ yeelen bɔ ne ka sira la. I ka kumaw bɛ yeelen bɔ ka ko nataw jira, u bɛ hakili di hakilintan ma.

—Zaburuw 119:105, 130

Yesu ye sankolo dumuni ye

“Ne ye dumunifen jɛnama ye

min jiginna ka bɔ sankolo la, walisa ni mɔgɔ dɔ ye o dumunifen dun, o jɛnama ka to badaa. Ne na dumunifen min di, o ye ne farisogo ye, ne na o di walisa dijɛ ka jɛnamaya. Ne de ye jɛnamaya dumunifen ye.” —Yuhana 6:51, 48

Yesu ye dijɛ ka kene ye

Jɛnamaya tun bɛ ale de la, o jɛnamaya tun ye mɔgɔw ka kene ye. Yesu kumana jama fɛ ko kura ko: “Ne ye dijɛ ka kene de ye. Mɔgɔ min tugura ne nɔfɛ, o tena taama dibi la, nka o na jɛnamaya kene sɔrɔ.” —Yuhana 1:4; 8:12

*Minnu be Ala ka Kuma
kalan, olu be den ke*

Nka Matigi ka sariya ko ka di a ye haali, a be miiri o sariya la su fara tile kan, o ye dubaden ye. O tigi be i ko jiri min turulen be jiwoyo da la, a be den a den tuma la. O jirifura te fɔsɔnfɔsɔn. O tigi be fen o fen ke, o bee be ne.

—Zaburuw 1:2, 3

*Yesu be jenamaya minnu 29
kɔnɔ olu be den ke*

“A’ ye to ne la, ne ka to aw la. Jiribolo te se ka den a yere ma ni a ma to a sun na, o cogo la aw te se ka den, ni aw ma to ne la. Ne ye rezen-sun de ye, aw ye a bolow ye. Min tolen be ne la, ni ne tolen be o la, o be den caman ke, katuguni aw te se ka foyi ke ne kɔ.” —Yuhana 15:4, 5

Kitabu senuma be kuma Yesu ko la

“Aw be aw new jo Kitabu kumaw la, katuguni a be aw kɔnɔ ko jenamaya banbali be sɔrɔ olu la. Olu de be ne seereya ke! Ni aw tun dara Musa la, aw tun na da ne fana la, katuguni ale ye sebenni ke ne

ko la.” —Yuhana 5:39, 46

O kɔ, fen minnu sebennen be a ko la Kitabuw bee la, a ye o kɔrɔ jira u la, k’a damine Musa ka kitabuw la ka se kiraw bee taw ma.

—Luka 24:27

Matigi, i ka kuma bɛ to badaa, a sabatilen bɛ sankolo la. I ka kuma bɛɛ ye tiɲɛ ye, i ka tilennenya kow tɛ yɛlɛma. –Zaburuw 119:89, 160

“Bin bɛ ja, a feere bɛ fɔsɔnfɔsɔn, nka an ka Ala ka kuma bɛ to badaa.” –Esayi 40:8

“Ka sankolo ni dugukolo to yen, hali sariya sɛbenden ncinin wala a ko misenmannin, o si tena ban, fo ka se fɛn bɛɛ laban tuma ma.” –Matiyu 5:18b

An y’a dɔn ko min fɔra Kitabu la, o tɛ se ka yɛlɛma. –Yuhana 10:35a

*Hadamaden tɛ se ka Ala
ka kuma yɛlɛma*

“Ne bɛ ci minnu fɔ aw ye, aw ka olu bɛɛ mara ka u kɛ. Aw kana foyi fara u kan, aw kana foyi bɔ u la.” –Duterɔnɔmɛ 12:32

I kana foyi fara a ka kuma kan, ni i ye o kɛ, a na i kɔrɔfɔ, i na sɔrɔ nkalontigela ye. –Ntalenw 30:6

Ni mɔgɔ min ye dɔ bɔ nin kitabu kiraya kumaw la, Ala na o tigi niyɔrɔ bɔ jɛnamaya jiri ni dugu senuma la. –Jirali 22:19a

Mɔgɔ min bɛ kuma lagosi, o bɛ halaki. –Ntalenw 13:13a

Yesu y'a jaabi ko: "Se si te i ye ne kan, fo ni Ala ye min di i ma ka bo san fe."
-Yuhana 19:11a

"I m'a don wa ko ne tun be se ka ne Fa deli, a tun na meleke waa tan sigiyoroma tan ni fila ci ne ma sisan, ka do fara olu kan yere? Nka ni o kera, Kitabu kumaw tun na dafa cogo di, olu minnu y'a jira ko wajibi don nin kow ka ke?"
-Matiyu 26:53, 54

"Ale donnen bolo la ka keje ni Ala ka ko latigelenw ni a ka ko nata donniya ye, aw y'a gengen jiri la Ala pesiranbaliw bolo k'a faga."
-Kewalew 2:23

Nka a diyara Matigi ye k'a tawo.... A ye a yere ni di ka ke jurumu yafa saraka ye.

-Esayi 53:10a

"Nka Ala ye ko minnu fo ka kawo a ka kiraw bee da la ko a ka Krisita na tawo, a ye olu bee dafa ten."
-Kewalew 3:18

"Ne Fa be ne kanu, katuguni ne be ne ni di walisa k'a ta ko kura. Mago si te ne ni mine ne la, nka ne yere b'a di. Se be ne ye ka ne ni di, se be ne ye ka a ta ko kura."

-Yuhana 10:17, 18a

"Wajibi tun te Krisita ka tawo o cogo la, ka don a kawo la wa?"
-Luka 24:26

Mɔgɔw bɛɛ kabakoyara fo u ye jɔɔɔn jininka ko: “Nin ye mun ye? Nin ye kalan kura ye dɛ! A bɛ kuma jinɛw fɛ ni fanga ye, olu b’a kan minɛ. O yɔɔɔnin bɛɛ Yesu tɔgɔ bɔra Galile jamana yɔɔɔ bɛɛ la.”

–Marika 15:27, 28

Kabini tile bɛ kuncɛ, dibi donna jamana yɔɔɔ bɛɛ la fo ka lɛrɛ saba kɛ. Yesu pɛrɛnna ko kura ka kulokanba ci ka a yɛrɛ ni bɔ. O waati yɛrɛ la, Alabatosoba kɔnɔ cɛtigefini farala fila ye k’a daminɛ san fɛ fo duguma. Dugukolo yɛrɛ-yɛrɛla, faraw cira. Jaliasabatigi ani sɔɔɔdasi minnu tun bɛ Yesu kɔlɔ-si, olu ye dugukolo yɛrɛyɛrɛ ni o

ko kɛlɛnw bɛɛ ye minkɛ, u ja tige-ra kɔsɛbɛ, u ko: “Tijɛ la, nin tun ye Ala Denkɛ yɛrɛ de ye.”

–Matiyu 27:45, 50, 51, 54

Sɔɔɔdasiw sera Yesu gengen-jɔɔɔn dɔ ma fɔlɔ, ka o senkalaw kari, o kɔ, ka se dɔ fana ma, ka o taw kari. U sera Yesu ma tuma min na, u y’a ye ko a sara ka ban, o de kɔsɔn u ma ale senkalaw kari. Nka sɔɔɔdasiw la kɛlɛn y’a kɛrɛ sɔgɔ ni tama ye, o yɔɔɔnin bɛɛ joli ni ji bɔra.... O kow kɛra ten walisa Kitabu kuma ka dafa ko: “A kolo si tena kari.”

–Yuhana 19:32-36

“Nka Ala y’a lakunun k’a tila saya tɔrɔ la, sabu se tun tɛ saya ye ka a mara. Nin Yesu kɔni, Ala y’a lakunun, an bɛɛ ye o seerew ye.”
–Kewalew 2:24, 32

“Ne jɛnama don, ne tun sara, a file, ne jɛnama bɛ to badaa-badaa. Saya ni Hadesi konnɛgew bɛ ne bolo.”
–Jirali 1:18

Denw ye kelen ye farisogo ni joli la cogo min na, Yesu yere fana kɛra u bɔɔgɔnko ye ka niyɔrɔ ta Hadamadenya la ten. A y’o kɛ walisa saya fanga bɛ min bolo, Sitane kɔni, a ka o fanga tije ni a yere saya ye, walisa minnu tun bɛ jɔn-

ya la u si bɛɛ la saya jɛsiran kɔson, a ka olu bɛɛ tila.

–Heburuw 2:14, 15

“E, saya i ka se b? min? E, saya, i baga b? min?” Nka barika Ala ye, a b? se di an ma an Matigi Yesu Krisita barika la!

–1 Kɔrentekaw 15:55, 57

Ala Ka sebaaya ye. An Kisibaa Krisita Yesu ye o nɛɛma jira sisan, katuguni ale de ye saya barika ban, ka jɛnamaya ni tolibaliya jira kɛnɛ kan Kibaru Duman fɛ.

–2 Timote 1:8b, 10

Saya tɛ na se sɔrɔ a kan tun.

–Romɛkaw 6:9b

“Ne jolen file da la ka da kankon. Ni mago do ye ne kan men ka da yele ne ye, ne na don o yoro ka dumuni ke o fe, a na dumuni ke ne fe.”
 –Jirali 3:20

Nka min be jo di Ala pesiran-baliw ma, ni kewalekebali dara o tigi la, a ka dannaya be jate a ye tilennenya ye.
 –Romekaw 4:5

“A’ ye Ni Senu mine! A’ ye delili ke, aw na soroli ke, o cogo la, aw ka pagali na dafa.”
 –Yuhana 20:22; 16:24b

Mago min be a fa wala a ba kanu ka temen ne kan, o man kan ni ne

ye. O ko, Yesu y’a fo a ka kalandenw ye ko: “Ni mago do b’a fe ka ne no mine, o ka ban a yere la ka a gengenjiri ta ka tugu ne la. Mago min b’a fe k’a yere Ni kisi, o na bone a la, nka min be bone a Ni la ne koson, o de na a Ni soro.”

–Matiyu 10:37a; 16:24, 25

Ni i be i jo a la i da la ko Yesu ye Matigi ye, ka da a la fana i dusu la ko Ala y’a lakunun ka bo suw cema, i na kisi.
 –Romekaw 10:9

Ayiwa ni aw ye Krisita taw ye, aw ye Ibrahimia bonsonw fana ye, ani ciyentalaw, ka kepe ni Ala ka layidu ye.
 –Galasikaw 3:29

O seereya file nin ye, ko Ala ye jenamaya banbali di an ma, o jenamaya be soro a Denke la. O Denke be min fe, jenamaya be o fe. Ala Denke te min fe, jenamaya te o fe fewu. –1 Yuhana 5:11, 12

O de y'a to ni mogo do be Krisita la, a kera dafen kura ye. Fen korow temenna. A file, fen bee kera kura ye. –2 Korontekaw 5:17

“Ne ni Krisita gengenna jiri la jagon fe. Ne jenama don, ne yere te mene, Krisita de be jenamaya ne kon. Ne be jenamaya min na sisan, ne be taama o la Ala Denke dannaya barika la.” –Galasikaw 2:20a

Nka Ala ka makari ka bon kosebe! ... o de koson, k'an salen to an ka hakew la, a ye an ni Krisita jenamaya jagon fe. Aw kisilen be neema de barika la. –Efesekaw 2:4a, 5

K'a masoro aw banger a ko kura, nka o ma ke ni si tolita ye, fo si tolibali, Ala ka kuma jenama banbali barika la, Aw jematomona ka keje ni Fa Ala ka ko latigelen ye, ka ke ke saniyalenw ye Ni Senu barika la, walisa aw ka Yesu Krisita kan mine ani a joli ka seriseri aw kan ka aw saniya. Neema ni dususuma ka di aw ma ka caya. –1 Piere 1:23; 2:2

Ale de ye falatow fa ni muso ce salenw lafasabaa ye. Ale, Ala sigilen be a ka yoro senuma la.

–Zaburuw 68:6

O bee n'a ta, Matigi, e de ye an Fa ye. An ye bogon ye, e de ye an da. An bee ye i bolo baara now ye. Matigi, e de ye an Fa ye. An ye o min togo wele ko: “An Kunmababaa” tuma bee.

–Esayi 64:7; 63:16b

“Aw minnu ka jugu, ni aw be fen pumanw di cogo don aw denw ma, aw sankolola Fa tena fen pumanw di a delibaaw ma ka temen aw ta di cogo kan kosebe wa? Aw ka kan

ka Ala deli tan ko: An Fa min be sankolo la, i togo ka saniya.”

–Matiyu 7:11; 6:9

A fora u ye yoro min na ko: “Aw te ne ka magow ye,” a n'a fo u ye yen ko: “Aw ye Ala jenama denkew ye.”

–Ose 2:1b

Ala Ni Senu be minnu jeminε, olu bee ye Ala denw ye.

–Romekaw 8:14

“Ne na son aw ma. Ne na ke aw fa ye, aw na ke ne denkew ni ne denmusow ye. Matigi Sebaayabestigi y'o fo.” –2 Korentekaw 6:17b, 18

Nka ni dɔ ye jurumu kɛ, Demɛ-baa bɛ an fɛ an Fa kɛrɛ fɛ, o ye Yesu Kirisita tilennen ye.

–1 Yuhana 2:1b

Yesu y'a jaabi ko: “Ne de ye sira ye, ani tiɲɛ, ani ɲenamaya. Mɔgɔ si tɛ na ne Fa ma, ni a ma tɛmɛn ne fɛ. Ni aw tun ye ne dɔn, aw tun na ne Fa fana dɔn. Kabini sisan, aw b'a dɔn, aw y'a ye.” “Min bɛ ne kanu, o na ne ka kuma mara. Ne Fa na o kanu, ne ni ne Fa bɛ na o ma ka sigi o fɛ.”

–Yuhana 14:6,7, 23b

Denkɛ ci ka na...walisa an ka don yɔrɔ sɔrɔ Ala denya la. Aw ye

Ala denkɛw ye, o de kosɔn Ala ye a Denkɛ Ni ci ka na don an dusukunw na. O Ni bɛ pɛrɛn ko: “Aba, an Fa.” O de y'a to i tɛ jɔn ye tun, fɔ denkɛ. Ayiwa, ni i ye denkɛ ye, i ye centala fana ye Ala barika la. Aw bɛɛ ye Ala denw ye dannaya de barika la Kirisita Yesu la.

–Galasikaw 4:4b, 5b-7; 3:26

O bɛɛ n'a ta, minnu sɔnna a ma ka da a la, a ye fanga di olu bɛɛ ma ka kɛ Ala denw ye. –Yuhana 1:12

K'a masɔrɔ an fila bɛɛ bɛ se ka don an Fa fɛ Ni kelen na Yesu yɛrɛ barika la. –Efesekaw 2:18

38 Yesu be kanuya ni pagali ni here di an ma

Kanuya sebe te min konɔ, o te Ala don, k'a masɔɔ Ala ye kanuya de ye. Ala ye kanuya de ye. Min tolen be kanuya la, o tolen be Ala la, ani Ala tolen be o la.

-1 Yuhana 4:8, 16b

Nka aw ka kopuman ke jɔgɔn ye, ka hine ka yafa jɔgɔn ma, iko Ala yafara aw ma Kirisita la cogo min na.

-Efesekaw 4:32

Nka Ni Senu den ye kanuya ye, ani pagali, here. -Galasikaw 5:22a

I na jenamaya sira jira ne la. Ne falen be pagali la i je kɔɔ, nisɔndiya kow be i kinin fe badaa.

-Zaburuw 16:11

Hali o, ne be pagali Matigi la, ka nisɔndiya ne Kisibaa Ala la.

-Habakuk 3:18

I na jenamaya sira jira ne la. Ne falen be pagali la i je kɔɔ, nisɔndiya kow be i kinin fe badaa.

-Zaburuw 16:11

Jo dira an ma dannaya barika la. O de kosɔn here donna an ni Ala ce an Matigi Yesu Krisita barika la.

-Romekaw 5:1

“Ne be dusu suma to aw fe. Ne be ne yere ka dusu suma di aw ma. Dipe b'a di cogo min na, ne t'a di aw ma ten de. Aw hakili kana jaa-mi, aw kana siran.” -Yuhana 14:27

**Minnu sɔnna Yesu ma, a bɛ olu lakunun
ka bɔ suw cɛma**

39

Ala min ye Yesu lakunun ka bɔ suw cɛma, n'o Ni sigilen bɛ aw kɔnɔ, ale min ye Krisita Yesu lakunun ka bɔ suw cɛma, o na aw farikolo sataw jɛnamaya a Ni barika la, o min sigilen bɛ aw kɔnɔ.

–Romɛkaw 8:11

Ala ye an Matigi lakunun ka bɔ suw cɛma. Ale na an fana lakunun ka bɔ suw cɛma a ka sebaaya bari-ka la.

–1 Kɔrentekaw 6:14

Saya donna dijɛ la mɔgɔ kelen sababu la cogo min na, o cogo la fana su kununni nana mɔgɔ kelen sababu la. Mɔgɔw bɛɛ bɛ sa Ha-

dama la cogo min na, o cogo la fana, mɔgɔw bɛɛ na jɛnamaya Krisita la, nka bɛɛ ni a ka waati don. Krisita ye fɔlɔ ye, o kɔ, minnu ye Krisita taw ye a na tuma la.

–1 Kɔrentekaw 15:21-23

Yesu y'a fɔ a ye ko: “Ne de ye su kununni ni jɛnamaya ye. Min dara ne la, hali ni o sara, a na jɛnamaya. Min jɛnama don ni o dara ne la, o tena sa abada.”

–Yuhana 11:25, 26a

“Ne jɛnama don, o de kosɔn aw fana na jɛnamaya.”

–Yuhana 14:19b

“Min b’i ban ne la, ni a tɛ sɔn ne ka kumaw ma, o ka kiritigela bɛ yen. Ne ye kuma min fɔ, o de na kiri tige o tigi kan laban don na.”

–Yuhana 12:48

“O de y’a to ne y’a fɔ aw ye ko, aw na sa ka aw to aw ka jurumuw la. Ɔwɔ, ni aw ma da a la ko: ‘Ne ye ale de ye’, aw na sa k’aw to aw ka jurumuw la.”

–Yuhana 8:24

Mɔgɔ min bɛ Musa ka sariya tije, o bɛ faga seere fila wala saba ka kuma kosɔn, hine tena ke a la. Nka min bɛ Ala Denke cɔngɔ a sen kɔrɔ, ka Ala ka layidu joli jate fen nɔgɔlen ye, a tun saniyara o min

fɛ, ka yɛlekolon ci Ala ka nɛɛma Ni la, aw tɛ miiri ko o tigi ka kan ni tɔrɔba ye ka temen o dɔ ta kan kosebɛ wa? –Heburuw 10:28, 29

“Ne teriw, ne b’a f aw ye ko, minnu bɛ mɔgɔ farikolo faga ni u tɛ se ka foyi ke o kɔ, aw kana siran olu je. Aw ka kan ka siran min je, ne bɛ o jira aw la. Fanga bɛ Ala min fɛ ka mɔgɔ faga, o kɔ, k’a ni fili jahanama kɔnɔ, a’ ye siran o de je. Ɔwɔ, ne b’a fɔ aw ye, a’ ye siran o de je.”

–Luka 12:4, 5

N’a kɛra ten, ni an faratira o kisiliba la, an na kisi o tɔrɔ ma cogo di. –Heburuw 2:3a

“K’a masoro a ye don do sigi, a na kiri tige dije bee kan ni tilen-nya ye a ka ce jenatomen bolo. A ye taamashyen jelen ke o la magow bee ye, katuguni a y’a lakunun ka bo suw cema.” –Kewalew 17:31

“Fa Ala te kiri tige mago si kan, nka a ye kiri ko bee di a Denke ma, walisa magow bee ka Denke bonya i ko u be Fa bonya cogo min na.” –Yuhana 5:22, 23a

O na ke ni Matigi Yesu y’i jira ka bo sankolo la ni a ka sebaaya melekew ani tasuma manaba ye tuma min na, ka hake bo Ala donbaliw ni an Matigi Yesu Ki-

baru Duman kan minebaliw la.

–2 Tesalonikekaw 1:7b, 8

Katuguni wajibi don an bee ka jo Krisita je koro a ka kiri tige yoro la, walisa magow bee kelenkelen ye min ke...ko juman wo, ko jugu wo, a ka o sara soro.

–2 Korontekaw 5:10

“Ne juguw koni, minnu tun t’a fe ne ka sigi u kun na, a’ ye na n’u ye yan, ka u faga ne je koro.”

–Luka 19:27

Ala be magow ka ko dogolenw kiri tige Krisita Yesu bolo don min na ka keje. –Romekaw 2:16b

Minnu bæ b'a fɔ k'u ye Yesu ka kalandenw ye, olu bæ tɛ Yesu taw ye

U b'a fɔ ko u bæ Ala dɔn, nka u
bɛ u dalacɛ a la u ka kewalew fɛ.

–Tite 1:16a

N'a y'a sɔrɔ Ala Ni sigilen bæ aw
kɔnɔ. Kirisita Ni tɛ min kɔnɔ, o tigi
tɛ Kirisita ta ye fewu.

–Romɛkaw 8:9b

“Mɔgɔ minnu b'a fɔ ne ma, ‘Ma-
tigi, Matigi,’ olu bæ tena don san-
kolo masaya la, fɔ ne sankolola Fa
sago kebaaw. O don mana se, mɔgɔ
caman n'a fɔ ne ye ko: ‘Matigi,
Matigi, a fɔ, anw ma kiraya kɛ i
tɔgɔ la, ka jinɛw gen ka bɔ mɔgɔw

la, ka kabako caman kɛ i tɔgɔ la
wa?’ O la, ne n'a fɔ u ye ko: Ne ma
aw dɔn fewu. A' ye bɔ ne kɔrɔ, aw
kojugukɛlaw.” –Matiyu 7:21-23

“Ne ka mɔgɔw bæ u sigi i jɛ kɔrɔ
ka i ka kumaw lamɛn, nka u tɛ i
ka fɔlɛn sira taama. U bæ u yerɛw
diyajɛkow dama de kɛ. U
dusukun tɛ miiri foyi la tɔnɔ
juguw jinili kɔ.” –Ezɛksɛl 33:31b

“Nin mɔgɔw bæ ne bonya u da la
dɔrɔn, k'a sɔrɔ u dusukunw ka jan
ne la haali.” –Matiyu 15:8

Ni an bɛ a ka ci fɔlenw mara, an b'a dɔn o de la ko an bɛ ale dɔn.

–1 Yuhana 2:3

“Ne na ne Ni don aw la walisa aw ka ne ka ko latigelenw sira taama ka ne ka sariyaw mara ka u kɛ.”

–Ezekiel 36:27

A dafalen kɔ, a kɛra badaa kisili dabɔbaa ye a kan minebaaw bɛɛ ye.

–Heburuw 5:9

Ni Kirisita bɛ aw la, hali ni aw farikolow salen don jurumu kosɔn, aw niw jɛnama don tilen-nya kosɔn. Ni aw bɛ taama farisogo kow la, aw na sa. Nka ni

aw bɛ farisogo ka kɛwalew faga Ni Senu barika la, aw na jɛnamaya.

–Romɛkaw 8:10, 13

Aw hɔrɔnyalen kɔ jurumu ma, aw kɛra tilenneya ka jɔnw ye.

–Romɛkaw 6:18

Ala ka baara nɔ ye an de ye. A ye an da Krisita Yesu la kɛwale jumanw kama, a kɔnna ka olu labɛn walisa an ka taama u la.

–Efesekaw 2:10

“Mɔgɔ o mɔgɔ bɛ Matigi tɔgɔ fɔ, o ka i mabɔ tilɛnbaliya kow la.”

–2 Timote 2:19b

“Waati bε na, mεgε minnu bε aw faga, a na kε olu kεnε ko u bε baara kε Ala ye. U na o kε katuguni u ma ne Fa dεn, u ma ne dεn.”

–Yuhana 16:2b, 3

Fa Ala ye an kanu haali cogo min na, o file nin ye, ko an ka wele Ala denw. An kεra ten fana. O de y’a to dije tε an dεn, k’a masεrε a ma Ala dεn.

–1 Yuhana 3:1

“Wajibi don tεrε caman ka an sεrε sani an ka don Ala ka masaya la.”

–Kεwalew 14:22b

Ayiwa, minnu b’a fε ka taama Ala jεsiran na Kirisita Yesu la,

tugu na kε olu bεε la ten ka u tεrε.

–2 Timote 3:12

“Ni dije ye aw koniya, aw k’a dεn ko a ye ne koniya aw jε dε. Ni aw tun ye dije taw ye, dije tun na aw kanu, i n’a fε a yεrε taw. Nka ne ye aw jεnatεmε ka bε dije la, aw tε dije taw ye, o de y’a to dije bε aw koniya.”

–Yuhana 15:18, 19

“Aw na tεrε sεrε dije la, nka a’ ye aw ja geleya, ne ye se sεrε dije kan!”

–Yuhana 16:33b

“Ne ye i ka kuma fε u ye, dije ye u koniya, katuguni u tε dije taw ye, i ko ne tε dije ta ye cogo min na.”

–Yuhana 17:14

A' ye aw hami kow bɛɛ da ale kan, katuguni a bɛ a janto aw la.

–1 Piere 5:7

“I kana siran k'a masɔrɔ ne bɛ i fɛ, i ja kana tige sabu ne ye i ka Ala ye. Ne na barika don i la ka i demɛ, ne na i demɛ ni ne kininbollo barikama ye.”

–Esayi 41:10

Hali ni ne fa ni ne ba ye ne bila, Matigi na ne ladon.

–Zaburuw 27:10

O de kosɔn an ja geleyalen bɛ se k'a fɔ ko: “Ne demɛbaa ye Matigi de ye, ne tena siran. Mɔgɔ bɛ se ka mun kɛ ne la ?”

–Heburuw 13:6

Ni aw nenina Krisita tɔgɔ kosɔn, aw ye dubadenw ye, katuguni nɔrɔ Ni min ye Ala Ni ye, o sigilen bɛ aw kan.

–1 Piere 4:14

K'a masɔrɔ a na ci di a ka melekew ma ko olu ka i mara i ka siraw bɛɛ la. Hali ni ne bɛ temen saya wolonkoto da fɛ dibiba la, ne tena jɔrɔ ko jugu si la, sabu i bɛ ne fɛ yen.

–Zaburuw 91:11; 23:4a

Ne bɛ se ka fɛn bɛɛ kɛ Krisita barika la, ale de bɛ ne barika bonya. Ne ka Ala na aw mago bɛɛ jɛ ka kɛjɛ ni a yerɛ ka fentigiya ye nɔrɔ la Krisita Yesu la.

–Filipekaw 4:13, 19

O de y'a to an ja geleyalen ka gere Ala ka neema masasigilan na, walisa ka makari sɔrɔ, ani neema min na an deme tuma bennen na.

–Heburuw 4:16

I ka boli kamalenya negew je. Minnu be Matigi deli ni dusukun jelen ye, i ni olu ka tilennenya ni dannaya ni kanuya ani here jini.

–2 Timote 2:22

Katuguni min be aw kɔnɔ, o ka bon ni dije kɔnɔ ta ye.

–1 Yuhana 4:4b

Kɔrɔbɔli si ma aw sɔrɔ min ma deli ka mɔgɔ sɔrɔ. Ala ye kantigi ye. A tena sɔn aw kɔrɔbɔli ka te-

men aw barika dan yɔrɔ kan. Nka kɔrɔbɔli mana se, a na bɔ yɔrɔ jira walisa aw ka se ka o kɔrɔbɔli muju.

–1 Kɔrentekaw 10:13

Nka ni an be taama kene la, i ko Ala yere be kene la cogo min na, an ye jɛjɔgɔnw ye, a Denke Yesu joli be an saniya jurumuw bee ma.

–1 Yuhana 1:7

O de kosɔn, a' ye kolo Ala ye. A' ye jɔ Sitane je ka a kele, n'o kera, a na boli k'i mabɔ aw la.

–Yakuba 4:7

Ne ye i ka kuma mara ne dusukun na, walisa ne kana na i hake ta.

–Zaburuw 119:11

I ko: “A’ ye ne jɛda jini.” Ne dusukun y’a fɔ i ye ko: “Matigi, ne na i jɛda jini.” Siyaw, a’ ye aw kalifa ale ma tuma bɛɛ, ka aw kɔnɔna kow bɛɛ fɔ a ye k’a foori. Ala ye an dogo yɔrɔ ye.

–Zaburu 27:8; 62:9

Matigi, i ka ne keneya. Ni o kera, ne na keneya. I ka ne kisi, ne na ke kisilen ye, sabu i ye ne tanuli sababu ye.

–Jeremi 17:14

Aw kana Ala delili dabila. Aw ka barika da Ala ye ko bɛɛ la, katu-guni o ye Ala sago ye aw ko la Krisita Yesu la.

–1 Tesalonikekaw 5:17, 18

“Ni aw bɛ to ne la, ni ne ka kumaw bɛ to aw kɔnɔ, aw bɛ fen o fen fɛ, a’ ye o deli, aw na o sɔrɔ.”

–Yuhana 15:7

Ne ye Matigi jini, a ye ne jaabi, ka ne tila ne siran kow bɛɛ la.

–Zaburu 34:5

Ni ne tun sɔnna tilenbaliya ma ne dusukun na, Matigi tun tena ne lamɛn. Matigi, hali ni ne ka tilenbaliya ka bon, i ka o yafa i ka kanuya kosɔn. –Zaburu 66:18; 25:11

Nka fen e fen ko bɛ aw la, aw ka o jini Ala fɛ ni deliliw ni delilibaw ni barika dali ye. –Filipekaw 4:6b

O layiduw tara an ye, balima kanulenw. O de y'a to an ka an saniya farisogo nɔɔɔlenya ani dusukun nɔɔɔlenya bee ma, ka saniyali dafa ni Ala jɛsiran ye.

–2 Kɔrentekaw 7:1

A yiwa, denmisenw, aw ka to Krisita la, walisa a mana i jira, an ja geleyalen ka sɔrɔ, an kana maloya a jɛ kɔrɔ a na don na.

–1 Yuhana 2:28

K'a masɔrɔ Matigi yere na jigin ka bɔ sankolo la ni perenkanba ni melekew kuntigi kanba ani Ala ka burukan ye. Minnu sara Krisita la, olu fɔlɔ na kunun. O kɔ, an min-

nu jɛnama tora, an ni olu na tufa ka taa jɔɔɔn fe sankabaw la Matigi kunben yɔrɔ la fiɛ la. O cogo la an na to Matigi fe badaa-badaa! –1 Tesalonikekaw 4:16, 17

Aw fana ka mupuli ke ka aw ja geleya, k'a masɔrɔ Matigi nali surunyara. Aw kana dajukɔrɔ kuma fɔ jɔɔɔn ma, balimaw, walisa aw kana jalaki. Kiritigela file, a jɔlen be da la. –Yakuba 5:8, 9

“Aw fana labennen ka to, k'a masɔrɔ aw te miiri ko Mɔɔɔ Denke be na waati min na, a be na o waati yere de la.” –Luka 12:40

A ye fa Ala Ni la

A' ye kosegin ka ne ka laadili lamɛn, ne na ne Ni jigin aw kan ka caya, ne na aw kalan ne ka kumaw la. **-Ntalɛnw 1:23**

“A' ye nimisa aw ka jurumuɛw la, aw bɛɛ kelen-kelen ka batise Yesu Krista tɔgɔ la, walisa aw ka jurumuɛw yafa sɔrɔ. Ala na Ni Senu di aw ma.” **-Kɛwalew 2:38b**

Aw kana aw jɛnamini ni diwen ye, kakalaya bɛ o la dɛ, nka aw ka fa Ni Senu la. Aw ka kuma jɔgɔn fɛ ni Zaburuɛw ni tanuli dɔnkiliw ani Ala sira dɔnkiliw ye. Aw ka dɔnkili da ka Matigi tanu ni aw dusukunw bɛɛ ye. Aw ka barika da Fa Ala ye tuma bɛɛ fɛn bɛɛ kosɔn,

an Matigi Yesu Krisita tɔgɔ la. Aw ka kolo jɔgɔn ye Krisita jɛsiran na. **-Efesekaw 5:18-21**

Katuguni min bɛ baara kɛ aw kɔnɔ, ka se di aw ma ka sɔn a yere diyajɛkow ma, ka u kɛ, o ye Ala den ye. **-Filipekaw 2:13**

Aw m'a dɔn ko aw ye Alabatosoba de ye, ko Ala Ni sigilen bɛ aw kɔnc wa? Aw sanna sɔngɔba de la Ala fɛ. O de y'a to aw ka Ala bonyani aw farikolow ye.

-1 Kɔrentekaw 3:16; 6:20

U bɛɛ fara Ni Senu la ka Ala ka kuma fɔ ni ja geleya ye.

-Kɛwalew 4:31b

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.
World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org

Nin sɛben ma kan ka feere.

www.wmpress.org

10-17

1590 Bambara HKG